

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

# Khutba Jummah

HADHRAT MUHYI-UD-DIN AL-KHALIFATULLAH  
*Munir Ahmad Azim*

17 Février 2017  
(19 Jamad'ul Awwal 1438 AH)

**Après ki li fine salué tous so bane disciples (et tous bane musulmans) dans le monde entier avec la salutation de paix dans l'islam, Hazrat Muhyi-ud-Din Al-Khalifatullah (atba) fine lire Tashahhud, Ta'uz, et Surah Al Fatiha, et li fine ensuite axé so Khutba Jummah lor « *Muslih Ma'oud* »:**

Hazrat Mirza Bashiruddin Mahmood Ahmad (as) ti le successeur du Messie Promis Hazrat Mirza Ghulam Ahmad (as). Li ti ene Calife distingué parski so naissance ti fini prédire par ene certain nombre de bane prophètes et de bane saints précédents. En plus de sa, le Messie Promis (as) fine gagne ene signe divine pour la vérité de l'islam à la suite de so quarante jours de *duahs* à Hoshiārpur (dans Inde). Allah (twa) fine dire li ki li pou gagne ene garçon ki pou né de li dans ene période de neuf ans. Li ti déza publié sa prophécie concernant so *Muslih Ma'oud* (Réformateur promis) là le 20 février 1886. Conformément à sa prophécie divine là et dans la période ki ti spécifié, le Fils Promis, fine né de propre semence du Messie Promis (as) le 12 janvier 1889 à Qadian. Fine donne li le nom de Bashiruddin Mahmood Ahmad. La prophécie lor le *Muslih Ma'oud* ti également précise certaines qualités spéciales du fils et réformateur promis. Par exemple, fine prédire ki li pou extrêmement intelligent et bien savant. So renommée pou étendre à bane extrémités de la terre et bane nations pou béni à travers li.

Anou étudié maintenant ene ti aperçu de so la vie et guette couma sa grand prophécie là fine accompli dans ene façon bien extraordinaire dans la personne de Hazrat Mirza Bashiruddin Mahmood Ahmad (ra).

Li ti faire so bane l'études primaires dans ene école de Qadian puis dans l'école Taleemul Islam kan sa l'école fine ouvert pour la première fois en 1898. Li pas ti capave bien faire dans so bane l'études à cause de so la santé. Li ti pé malade souvent. So carrière universitaire fine prend fin en mars 1905, kan li fine fail dans l'examen de maturité (10<sup>ème</sup> année). Environ deux ans avant sa, en octobre 1903, li ti marié avec Sayyidah Mahmooda Begum Saheba (Hazrat Umm-e-Nasir (ra)).

Li ti commence apprane la traduction du Saint Coran et de bane Ahadith sous la guidance de Hazrat Maulana Nuruddin (ra). En plisse de sa, li fine commence so l'étude par li-même lor la religion, l'histoire, la littérature et diverse les autres sujets. Li fine développé en ene grand savant et fine capave maîtrise beaucoup de bane sujets.

De ce fait, sa prophécie du Messie Promis (as) concernant *Muslih Ma'ud* fine clairement accomplie en so personne: « ... *Li pou extrêmement intelligent et compréhensif et pou doux de cœur et pou rempli de connaissances séculaires et spirituelles.* »

Hazrat *Muslih Ma'oud* fine recevoir so premier révélation divine en 1905, kan li ti ena seulement seize ans, kot Allah fine dire li: « *Mo pou place bane ki pou suivre toi au-dessus de bane ki pas pou croire ziska Jour kot tous dimounes pou rélévé (Jour du Jugement).* »

En 1907, ene ange fine enseigne li le commentaire de Surah Al-Fatiha, le premier chapitre du Quran Shareef. Depuis sa, li fine gagne ene connaissance inhabituelle de bane commentaires de Quran Shareef.

Kan le Messie Promis (as) fine mort, Hazrat *Muslih Ma'ud* (as) ti ena seulement 19 ans. En sa l'occasion là, li fine deboute près avec cadavre de so papa ki ti mort le 26 mai 1908, et fine faire sa promesse là: « *Même si zot tous abandonne ou (le Messie Promis), mo pou deboute tousel contre le monde entier, bravant tous bane opposition ou hostilité.* »

En février 1911, li fine fonde *Anjuman Ansarullah*. En septembre 1912, li fine accompli le Hajj dans Makkah. En 1913, li fine commence la publication du journal Al-Fazl. Le 14 mars 1914, le lendemain de la mort de premier successeur du Messie Promis (as), Khalifatul-Massih I (ra), Hazrat Mirza Bashiruddin fine élu à l'unanimité en tant ki le Khalifatul Massih II, alors ki li ti ena seulement 25 ans. Environ 2000 musulmans Ahmadi présent à sa l'occasion là fine prête le serment d'allégeance (*Bai'ah*) dans so la main. Sous grand guidance de Hazrat Khalifatul Massih II, Jamaat Ahmadiyya fine fer bane grand grand progrès. So période de Khilafat ki ti duré pendant 52 ans ti remplie de bane réalisations et établissements ki exceptionnellement grands kot sa démontré l'aide Divine. Dès le premier jour de so Khilafat, li ti commence prend tous bane mesures nécessaires pour organise et unifier le Jamaat. Bientôt, crise ki ti ena dans Jamaat fine terminé et la stabilité fine régner. Ensuite, li fine commence élabore bane plans pour la propagation de l'Islam dans le monde entier. Ainsi, la prophétie concernant le *Muslih Ma'ud* fine accomplie avec ene grand perfection. *Alhamdulillah, Summa Alhamdulillah.*